



ҮННІҢ ҚҰНЫН ЭКСПОРТТАЛҒАН БИДАЙ ТҮСІРЕДІ

Қазақстан үн экспорты бойынша 2007 жылы әлемде көшбасшы атанды. Бірақ жаһандық деңгейдегі бірінші орнын небәрі үш жыл ұстап тұра алды. 2010 жылы Түркияға жол беріп, екінші орынға сырғыды. Бұл да зор жетістік. Алайда енді бізді Өзбекстан басып озатын түрі бар. Өзбек ағайын бұған дейін тұрақты түрде үн экспорты жөнінен әлемдік жетекші елдердің «үштігіне» кіріп келген Францияны ығыстырды. Ғажабы сол, Өзбекстан Қазақстаннан 3,5 еседей аз бидай жинайды. Сонда бұл елдің құпия-сыры неде? Біздің елімізде неге осы сала кері кетіп барады?

ФАВОРИТТЕН АУТСАЙДЕРГЕ АЙНАЛМАЙЫҚ

Қазақстан 2022 жылы 22,8 миллион тонна астық жинады. Бұл 2021 жылғыдан 26 пайызға көп. Ауыл шаруашылығы министрлігінің дерегіне, бұл – соңғы онжылдықтағы жақсы көрсеткіш. Көрші Өзбекстан былтыр қамбаға 6,7 миллион тонна бидай жинаған. Бұл алдыңғы жылғыдан 6,4 пайызға артық.

Бұл жерде оңтүстік көршінің еңбек өнімділігі таңғалдырады. Мысалы, Қазақстан былтыр

16,1 миллион гектарға бидай екті. Ал Өзбекстанда бидай небәрі 1,4 млн гектар ғана алқаптан жиналады. Яғни, он есе кем. Сол себепті Қазақстан өзбек еліне қарағанда он есе көп астық оруды керек еді. Олай болмады, айырмашылық 3 еседей ғана. Бұдан шығатын байлам: өзбек ағайын аз ғана жерге дән сеуіп, көп өнім алады. Бізде астық әр гектардан 12,6 центнерден айналады, ал өзбектерде орташа шығымдылық әр гектардан 65-70 центнерден айналады.

4 »

КҮНШЫҒЫС ЕЛІ – ДАНАЛЫҚТЫҢ БЕСІГІ

«Қасірет пен тағдыр» романы жапон тіліне аударылды. Қазақ тілінен тікелей жапон тіліне аударған – Масуджима Шигенобу. Жапон тіліндегі кітаптың тұсаукесері Токиодо өтті.



6
БЕТ

ТҰРАҚТЫҢ АҚЫСЫ НЕГЕ ТҰРАҚСЫЗ?

Алматыда ақылы автотұрақтың бағасы көтерілмек. Қала әкімі Ерболат Досаевтың айтуынша, көлік тізгіндеген қала тұрғындары мен қонақтары қыркүйек айынан бастап тұрақ ақысын жаңа тарифпен төлей бастайды.



7
БЕТ

МЕКТЕПТЕР МЕРЗІМІНДЕ ПАЙДАЛАНУҒА БЕРІЛДІ




Айта кетейік, партия белсенділері құрылыс жұмыстарының сапасын бірінші рет тексеріп отырған жоқ. Бұған дейін мұнда құрылыс жұмысы кестеден кешіктірілгені анықталды. Құзырлы органдар қалалық партиялық бақылау комиссиясының ұсынысы бойынша мердігерге айыппұл салды. Бүгінде барлық кемшілік жойылды.

Мәселен, №8 гимназия Шымкенттегі ең көне мектеп саналады. Ол 1879 жылдан бері жұмыс істеп тұр. Осылайша, 1 100 балаға негізделген жана ғимараттың құрылысы биыл аяқталады деп жоспарланады.

3 »

ҮЛКЕН ЖОЛ ҚАТЕЛІКТІ КЕШІРМЕЙДІ



Парламент Мәжілісі кезекті пленарлық отырысының негізгі мәселесі «Қазақстан Республикасының кейбір заңнамалық актілеріне жол қозғалысын ұйымдастыру мәселелері бойынша өзгерістер мен толықтырулар енгізу туралы» заң жобасын талқылауға арналды. Онда электр скутерлер мен шағын электр көлігінің қозғалысын реттеу жайы сөз болды. Одан соң мәжілісмендер Үкімет басшысынан бастап түрлі инстанцияға депутаттық сауалдарын жолдады. Жиынға Мәжіліс Спикері Ерлан Қошанов төрағалық етті.

2 »

САНКЦИЯ САЛҚЫНЫ: «КӨРШІҢ СОҚЫР БОЛСА...»

Геосаяси қақтығысты тудырып отырған көршіміздің кесірінен еліміз де кей тұста жаманатты болып қалатыны шын. Жақында АҚШ пен Батыс елдерінің билік өкілдері Ресейге салынған санкцияның жайын қайта талқылауға көшті. Бұл жолы бәрінен бұрын резкоспорт мәселесінде «Мәскеуге көмектесіп жатыр» деген желеумен Орталық Азия елдеріне қысым болуы мүмкін екені айтылыпты. Осы тұста біз «шынында да еліміз санкцияны бұзуға септесіп отыр ма?» деген сауалға жауап іздеп көрдік.



КЕЛІСПЕЙТІН КЕСІМ

Шынында, Орталық Азия елдері, соның ішінде санкцияның қауіп төнуі мүмкін екені жайлы хабарлар бүгін шыққан жоқ. Мәселен, былтыр наурызда Британ Парламентінің мүшесі Маргарет Ходж Қазақстан мен Әзербайжан елдері «Ресейді қолдайды» деп мәлімдеп, қос мемлекетке санкция салу

туралы бастама көтерген болатын. Дегенмен кәрі құрлық елінің Сыртқы істер министрлігі бұл тақырыпты жылы жапты. Бәрі басылды дегенде, өткен айда тосыннан АҚШ Қазақстанға қайталама санкциялар бойынша ескерту жасағаны хабарланды.

5 »

ФИЛАРМОНИЯ ПАНА СҰРАЙДЫ

Саф өнердің саңлақтары жиналған Еркеғали Рахмадиев атындағы Мемлекеттік академиялық филармония апта сайын көрерменін жаңа концерттермен қуантып келеді. Қазақ оркестрі, симфониялық оркестр, үрмелі оркестр, ішекті квартет, камералық хор, фольклорлық ансамбль сияқты 11 шығармашылық топтан құралған ұжымның әр өнер көрсетуінің артында жанкешті еңбек жатқанын бірі білсе, бірі білмейді. Астаналық филармонияның өнер көрсететін сахнасы болса да, әлі күнге дайындық жасайтын арнайы орындары жоқ. Онымен қоса, шетелде елде үрдіс алған балалар филармониясы әлі ашылмай келеді.

ҒИМАРАТҚА ЖАРЫМАЙ ОТЫР

Филармония алғаш рет Ақмола облыстық филармониясы болып 1997 жылы құрылды. Аз уақыт ішінде өнер ұжымы жоғары жетістіктерге жетіп, кең ауқымды концерттер өткізген. Бүгінде астаналық филармонияда 11 шығармашылық топ жұмыс істейді. Дегенмен өнері үстем ұжымның көңілі күпті. Филармония әншісі, ҚР еңбек сіңірген қайраткері Светлана Айтбаеваның айтуынша, бүгінде ұйымда 700-ге жуық адам жұмыс істейді.

6 »



